

Na osnovu člana 5. stav 2, a u vezi sa članom 13. Zakon o zaštiti lica koja prijavljuju korupciju u institucijama Bosne i Hercegovine ("Službeni glasnik BiH"; broj: 100/13), člana 10. Zakona o Agenciji za prevenciju korupcije i koordinaciju borbe protiv korupcije ("Službeni glasnik BiH", br: 103/09 i 58/13), Strategije za borbu protiv korupcije Kantona Sarajevo 2018. - 2019. i Akcionog plana za provedbu Strategije za borbu protiv korupcije Kantona Sarajevo 2018. - 2019. ("Službene novine Kantona Sarajevo", broj: 19/18), te ovlaštenja iz Statuta Kantonalnog stambenog fonda Sarajevo, broj: 02-169-2/2006 od 16.02.2006. godine i broj: 01 – 1344 - 5/2012 od 27. 07. 2012. godine, Direktor Kantonalnog stambenog fonda Sarajevo, **d o n o s i**

UPUTSTVO

O

NAČINU PRIJAVLJIVANJA KORUPCIJE, POSTUPANJU PO PRIJAVAMA KORUPCIJE I ZAŠTITI UZBUNJIVAČA U KANTONALNOM STAMBENOM FONDU SARAJEVO

Član 1.

Ovim uputstvom se propisuje način prijavljivanja postojanja korupcije u Kantonalnom stambenom fondu Sarajevo (u daljenjm tekstu: Fond), postupanje odgovornog lica Fonda po prijavama korupcije, te zaštita uzbunjivača, kao podnosioca prijave korupcije u Fondu.

Član 2.

U smislu Zakona i ovog uputstva:

- korupcija je svaka zloupotreba povjerenih ovlaštenja lica zaposlenih u Fondu koja može dovesti do privatne koristi tog lica, a kojima se istovremeno krše odredbe zakona, drugih propisa i općih akata Fonda,
- prijavljivanje postojanja korupcije je svako podnošenje prijave od strane lica zaposlenog u Fondu sa informacijom i/ili materijalnim dokazom, upućenom odgovornom licu Fonda zbog sumnje ili okolnosti na postojanje korupcije u Fondu,
- uzbunjivač je lice zaposleno u Fondu koje zbog opravdane sumnje ili okolnosti postojanja korupcije u Fondu u dobroj vjeri podnosu prijavu odgovornom licu u Fondu.

Član 3.

Prijavljivanje, u smislu zakona, drugih pravnih propisa, općih akata Fonda i ovog uputstva podnosi se neposredno rukovodiocu Fonda, kao odgovornom licu, pismeno ili usmenim putem uz prilaganje relevantnih činjenica i dokaza o osnovanoj sumnji ili okolnosti postojanja korupcije u Fondu.

Zaposlenom licu Fonda se osigurava pravna zaštita u skladu sa zakonom, a prijavljivanje izvršeno na način definisan zakonom i ovim uputstvom ima karakter zaštićenog prijavljivanja.

Član 4.

Rukovodilac Fonda je po dostavljenoj prijavi dužan preduzeti sljedeće radnje i mjere:

1. Preduzeti sve potrebne radnje na planu utvrđivanja relevantnih činjenica i dokaza kojima raspolaže Fond, a koji su u neposrednoj vezi sa informacijom ili materijalnim dokazom dobijenim od uzbunjivača,
2. Ovisno o utvrđenim činjenicama, dobijenu prijavu sa priloženim materijalnim dokazima, te relevantnim činjenicama i dokazima koji su upotrijebljeni u postupku iz tačke 1. ovog člana, može posebnim aktom odbaciti ili odbiti kao neosnovanu, u suprotnom dužan je svu raspoloživu dokumentaciju dostaviti Timu Vlade Kantona Sarajevo za borbu protiv korupcije na daljnje

nadležno postupanje u skladu sa zakonom , Strategijom Vlade Kantona Sarajevo za borbu protiv korupcije Kantona Sarajevo 2018. - 2019. i Akcionim planom Vlade Kantona Sarajevo za provedbu Strategije za borbu protiv korupcije Kantona Sarajevo 2018. – 2019.

Član 5.

Postupanje Fonda prema uzbunjivaču suprotno članu 4. ovog uputstva, kao štetna radnja prema tom uzbunjivaču, bit će predmet razmatranja i postupanja nadležnih institucija za prevenciju korupcije i organa uprave Kantona Sarajevo, a po prijavi/predstavci uzbunjivača.

Postupanje uzbunjivača suprotno zakonu, drugim pravnim propisima, općim aktima Fonda i ovim uputstvom ima za posljedicu obustavu pružanja zaštite donošenjem posebne odluke o tome od strane nadležnih institucija za prevenciju korupcije i organa uprave Kantona Sarajevo i eventualno pokretanje krivičnog postupka zbog lažne prijave korupcije u Fondu.

Član 6.

Ovo uputstvo stupa na snagu danom donošenja, a objavit će se na Web stanici Fonda.

Broj: 02-03- 1625/2018
Sarajevo, 19.12.2018. godine

